

茅山志

二

茅山志三神紀第二篇卷之第三



上清嗣宗師劉 大彬 造

茅君真宵

曾祖 偃 仕奉昭王世 終車騎後尉 長平恭侯

高祖 濛 師寇等先生 隱華山道成 乘龍昇天

祖 熹 仕秦為德信 侯終子會稽

父 祚 德信侯弟 六子不仕

定錄中君 固 仕漢武 咸太守

大司命君 盈

保命小君 衷 仕漢西 河太守

卷三 三神紀一

大司命君姓茅諱盈字祚申咸陽南關人也姬胄公振氏族於茅積德累仁祚流百氏高祖諱濛字初成一字本初深識玄遠察覽興亡知周之衰不仕諸侯乃師於北郭北阿鬼谷先生長往華山道成以秦始皇三十年九月庚子乘龍白日昇天時邑童謠歌曰神仙得者茅初成駕龍上昇入太清時下玄洲戲赤城繼世而往在我盈帝若學之臆嘉平始皇聞之詢諸父老具對曰此仙人之謠勸帝求長生之術於是始皇忻然有尋仙之志因改臆曰嘉平曾祖偃字泰能濛之弟四子仕秦昭王為舍人遷車騎校尉長平恭侯祖諱熹字世倫仕莊襄王為廣信侯始皇即位以為德信侯生六子並知名於時其第六子諱祚字英不仕不學志慕農桑生三子長即大司命君也次子諱固字季偉第三子諱衷字思和司命君生于漢景帝中元五年丙申歲二弟於戊戌庚子歲王

君少稟異操天才穎悟矯志蕭抗獨味清虛嘗謂二弟曰母
務紛錯履以檢戲當慕高祖之遠舉唯願肥遁之利貞耳年
十八棄家群親入恒山中讀道德經周易傳采木服餌潛景
絕崖積六年精思誠感夢見太玄玉女把玉札而携之曰西
城有王君得真道可為師君子奚不往尋而受教乎明晨覺
悟徑造西城心齋三月沐浴向新卒見王君駕神虎之輶控
轡神嶺翱翔繡岩於是投軀越阻歸命道真不覺而至君所
王君默使衛官見攝將還玉宮洞壑之中良久引進叩頭頓
首求乞長生匍匐肘行重陳无已王君顧謂左右曰形景空
苦似有志矣乃得接引誘問戒以勿怠遂留洞宮執巾履之
役者十七年王君見君謹密稍使主領衣書圖籙復三年命
駕造白玉龜山因携君同詣王母於青琳宮母曰捻真挾肉
人以登靈臺不亦勞乎王君咲而不答目君再拜請乞奇要

乃叩頭自陳曰盈小醜賤生枯骨之餘敢以不肖之軀慕龍
鳳之年朝菌之質求積朔之期雖仰速流莫之能濟常恐一
旦死於鎖訪之難取咲於世俗之夫遭遇王君哀盈丹苦粗
受治身之術豈圖今日一觀聖姿恍惚大象如淪神夢救生
護死歸之乞丐願賜長生之要竊悟行尸之身母曰子心至
到哉吾昔師元始天王搏桑大帝君遺我要言所謂玉珮金
璫之道太極玄真之經實天人之殊珍上帝之奇秘汝今日
願聞之耶言畢勅王君解釋玄真之經自敷玉珮金璫之文
復向說元始天王大帝君言是太霄二景隱書又有陰陽二
景內真符與本文相隨太上法惟令受諸司命子王札玄挺
素書上清當為上卿之君司命之任此道後當別付於子也
然不克聞明堂玄真之道亦未由得太霄隱書玄真之道是
食日月之法練五神之術耳非捻真弟子不教司命之挺不

傳受命言訖王君與君還西城依承真訣按而行之三年目有神光面生玉澤王君賜九轉還丹一劑神方一首立壇結誓不許宣洩乃使君歸仍告之曰子道已成後百年求我於南岳授子仙任於吳越矣君既辭師帶索混迹不矯於世自說入恒山北谷學儒俗之業時年四十九君父母尚存父見怒曰為子不孝不親供養游走四方吾當喻汝為不生之子欲杖罰之君長跪謝曰盈受命應當得道道法遁世事不兩濟雖遠遠供養无旦夕之益能使家門平安父母老壽盈已受聖師持籙見營助者天丁之兵不可打擊恕三官考察非小故也父意未釋亦欲驗君情狀示衆不惑於是舉杖向君杖即摧折段、飛揚穿柱陷壁父悟不凡乃止君曰向所感正慮如此解后中人即有所傷耳父又曰子言得道能起死人否對曰人有天祿終及積惡罪重者不可更生其橫受天

折則可令起君乃台社公父聞在中庭問社公曰此村中已死者誰可台還社公答云某甲李乙君曰速約勸所關由使發遣之須事了詣來白狀至日入之後社公來白事某甲李乙事已決了便可發出遂告死者家人掘地發棺死人氣息但不能語舉而出之三日能坐語言了、如是發數人塚皆遂生活更數十歲乃復死耳遠近咸稱為神明之君後日貴盛諸侯互有所請君擁閉神關塞妙杜驗告之曰我昔學道精思深山山靈附我因協以駭使之耳非已自達其神能死生於万物也或迫之不已君亦佯自薦病以至於殆矣淵池括囊慶適无倫時人雖奇其有道亦不能測其有為也後十餘年君父母壽考而終居喪盡禮傳家凡五十三年仲弟即定錄君漢景帝時察孝廉元朔元年舉賢良拜五官郎正和二年轉太子太傅元鳳元年拜破胡校尉武熹火守季弟即

保命君少以節行著名隱華陰山武帝建元三年舉方正不就徙梁國為孝王上賓宣帝地節二年遷洛陽令轉拜西城校尉上郡太守元帝即位拜五更大夫轉西河太守仲弟時為執金吾並當之官鄉里父老少長祖送者數百人君亦在坐對賓曰吾雖不作二千石卿相亦當有神靈之職天帝見選補東岳上卿霍林司命君搃統吳越死生之籍領接學道試收羣仙此亦上真宗師神官之要位也來年四月三日當昇舉諸君能來顧如今日否若見省者亦不須有所損費吾自當有以相供待也眾賓皆相然至期君門前數頃地忽自平治青縑帳屋之下鋪白氈數重容數百人坐達近相語此家得道當去小大显集來者塞道客乃數倍於送弟時但見金縷玉珮奇肴珍果自至人前光景翕赫不可名狀絲竹金石聲動天地芳香之氣達于數里飲食隨益六百餘人莫不

醉飽明日迎官來至君乃與家辭次語宗族子弟曰夫真仙道隱貴在迹翳不應表光曲飾動輝視聽吾所以不得默遁藏景潛舉空同者蓋欲以此道誘勸二弟之追慕也亦何但固衷之反迷耶天下有心者盡當注向神仙之異獲耳季偉思和雖見事晚必能自悔釋官委祿來尋於我今此去擁停江水之東句曲之山此山內有靈府衆洞相通穴曲長連真洞仙館也昔與聖師期宜先於此以自清勵恭伺天命然後鎮彼火霍居于赤城矣言畢周辭即登羽車參駕龍虎浮空而去東行十餘里忽然不見時元帝初元五年丁丑君年一百二歲矣遂過江暫治句曲內游洞宮雜接真仙外立茅舍於山之北即今下涪宮領統地官屬籍關决生死黑帝制衛白鵠友往靈著江左道惠百邑吳越之境竟為臣僕邦人因改名此山為茅君山二弟在官聞兄白日神仙著於民口始信

仙化可學神靈可致然後明松喬不虛鼎湖有實耳於是各棄官還家以日仄之年備精粕遺事未有補益乃相謂曰家兄得道非他人也何不往從親稟口訣而乃按云方書以規度世乎幾往而不達終不使吾等死於非所遂以亢帝永元五年壬午三月六日度江求兄於東山相見悲忻流涕君告二弟曰悟何晚矣二弟謝曰固衷頑下不達道德流泗風塵希世臭味垂纓漢朝闔門完全位至守相享年壽考皆兄神祐覆護之恩蒙蔭以來日用不覺一旦失兄若元天地人非金石命當有盡年已朽仄常慮奄忽呼吸寄生不朝則夕昔日歸家備兄遺事不受真訣未獲其効越江來侍規稟訓誨願賜長生濟弟无死君曰卿已老矣難可補復縱得真訣適可成地上仙耳上清昇霄大術非老夫所與下之是教二弟服青芽始生咽炁液之道亦停年不死之法也後語季偉曰

鄉宜服黃帝四扇散我昔受之於高丘先生今以相傳耳又語思和曰鄉宜服玉母回童散思和體中損少於季偉故宜服此以填精補腦耳夫此二方皆妙法也二弟具受教勅乃服藥咽炁勤精靜思又施行諸為生之戒慎者如是十八年色如處子君曰藥已行矣乃授以上道使存明堂玄真之炁以攝運生精理和鬼神三年之中神光始現君人各賜九轉還丹一劑神方一首仙道成矣君乃箴王君自陳二弟蒙天恩濟度得為地仙之法要當佩錄受策帶真極之符然後書署處官掌領所司乞願推恩平其覆蓋王君曰子少學道德勤心不懈吾憫汝至志是以相成堅心闕奏為子保舉之主太上垂許賜命神仙二弟賴卿陰祐享年官貴驕溢敗氣止存禍息年出一百非復學道時也得神散靈方變化久視足矣詎宜便受職署為地上之仙位乎且曠古以來兄弟俱仙

亦為少矣然子高祖得道仁加萬物積德所及乃鍾子身慈
心仁和每脩陰功誠可愍也子屢往叩乞二弟仙官之職今重
賜玄水玉液丹可使長齋而服之必以他宣亦別宜關感太帝
而保効之信子當自將以來于時二弟雖內通神靈外攝六
丁至於天真大神如王君之儔猶未肯降見明高卑不倫矣
君使二弟清齋服藥食之畢復相與心齋三月詣青童方諸
宮書名金簡次詣西城洞宮朝見崧真上宰南詣衡山朱臺
謁太虛赤真人歸方諸請地仙三真之策造赤城受真寢神
符又之羅霍求華旌繡幡乃上登九宮詣金闕受聖君之書
頓首於闕下者三月聖君乃命九微太真上相王大司命高
晨師青童君使上詣太上大道尹協晨宮中請朱官使者下
拜固衷於金闕下須臾使者二人及侍從數千人俱使者手
授紫素之書以付固衷

紫素策文二
見詰副墨補

度書訖君勅二弟辭還所

治是以季偉有地真上仙定錄神君之号思和有司三官保
命仙君之位焉各依紫素之命封蒞所治神宮上府亦隨事
而資給於二君矣大司命君住句曲四十二至哀帝元壽
二年庚申歲年一百四十有五歲八月十八日巳酉南岳赤
真人西城王君龜山王母方諸青童君同造君于山中時天
皇太帝遣逸域宮繡衣使者授君以神璽玉章太微天帝君
遣三天左宮直御賜八龍錦輿紫羽華衣太上大道君遣協
晨大夫賜金帟真符流金之鈴金闕聖君命太極真人使正
一上玄玉郎賜以四節燕昭流明神芝長耀靈飛夜光洞草
使拜而食之佩璽服衣正冠北首帶符握鈴畢使者告君曰
食太極四節隱芝者位為真卿食金闕燕昭玉芝者位為司
命食東宮流明金英則有司錄之任食長曜靈飛夜光洞草
則當為真伯兼主摠左右御史之任子今日盡食之矣壽同

天地位為司命上真東岳卿君都統吳越之神靈樞帥江力
之山元也言畢使者各去須臾五帝君各乘方面色車從官
乘下嶺太帝之命授君九錫冊文九錫文見位為司命東卿上
真君文以紫玉為版黃金刻之君伏受書署再拜畢靈官上
真五帝各去唯師王君西王母留後為君大設天厨王母命
諸侍女作樂復歌玄雲之曲曰大象雖云寡我把九天戶披
雲汎八景儻忽適下土空同玄音至靈不容治太帝

悟風塵皆願神三元中納精玉闕下遂乘万龍椿落鳳
盼九野又曰玄圃過北臺五城煥熒峨啓彼无涯津之此織
女河仰上昇絳庭下游日窟阿顧盼八落外指點九空遐忽
已不覺勞豈悟少與多撫敬命衆女空遐忽已和妙暢自然
同是為玄雲歌靈韶肆天韻真音辭无邪歌訖良久俱詣二
君之宮二君頓首奉迎北面稱小臣之敬王母告之曰汝道

卷三 三神紀七

雖成所聞未足我當為汝二人有所要以嘆汝於此矣須臾
遣侍女郭密香與上元夫人相聞二君亦不知上元夫人是何
神也云西龜九靈太真王夫人敬謝但不相見已千餘年天
事勞我致以愆面茅固衷道成適來視之久不向人問主客
對坐邑、不樂夫人能暫來否各能屈駕當停相須侍女既
去少頃而返上元夫人亦遣侍女荅相聞云阿環再拜上問
起居遠隔絳河擾以官事仰憲光潤情系无遺密香至承降
尊茅固衷處聞命之際登當暫駕先被太帝君勅使詣希
林枝定三元籙正尔暨往如是當還遂便束帶願暫小留二
君因問王母不審上元夫人為何真也王母曰三天真阜之
母上元之高真統領十方玉女之名錄也當二時許上元夫人
至來時聞雲空之中簫鼓之音龍馬之鳴也既至從官數千
人皆女子年齊十六七許形容明逸多服青綾紋衣光采

目大人年可十八九靈儀絕整服赤霜之絕披青毛錦裘頭作
三角髻散餘髮至腰戴九景耀日之冠帶六出火王之珮腰
鳳文琳華之綬佩流黃輝精之劍入室向王母拜王母止之
呼與同坐北向上元夫人設厨乃不異王母所設王君勅二
君再拜自陳曰固衷受性頑鄙生長濁亂而墻不啓元聞道
真然貪生畏死宗奉師元今日成拔此乃天願唯垂衷告夫
人愍二君之向真惟靈妙之未啓乃勅侍女宗辟非出三元
流珠丹景道精隱地八術太極綠景凡四經以傳于二君王
母復勅侍女李方明出玉珮金璫太霄隱書洞飛二景內符
傳司命君上元夫人有言於王母曰阿母隱書之妙上真內
經封之金臺佩入太微乃徑輪而前衛文大武卻伏抱關出
登上清則振身瑤房左邀希林長招仙公右栖白山下盱太
空汎彼天津則乘雲騎龍游此名山則真人詣房万神奉衛

山精司迎動有八景玉輿靜則宴寢金堂此文妙矣所謂玉
珮金璫也環有三元流珠丹景道精隱地八術太極綠景經
能返老還少卻白迴嬰摧折千魔駭策百靈致明月之黃華
得白日之赤精藏軀翳景万物化生出水入火叱咤幽冥收
束虎豹呼召六丁隱淪八地顛倒五星久視在身與天相傾
耳安及太霄隱書八會之奇文乎用之眇邈可以登玉京之
宮紛飄入流霞之堂臣五岳之主坐司命之床挹鳳腴
之醴漱丹之觴駕八龍以凌空御虛落紫雲而高浮遠翔
於是上元夫人下席起立左手執四部經右手執受書盟仰
天向二君祝曰九天浩洞太上曜靈神照玄微清虛朗明登
希者妙守炁者生至心道臻寐感真成役神形辱安精年榮
石精金光藏景錄形左右招神天元策靈可以步虛可以淪
形養生久視與天同明違盟泚漏禍必族傾谷宜慎禍敢告

茅生祝畢二君拜受靈書抱之肘腋焉王母亦下座手執太
霄隱書復命侍女張靈子把交信之盟對司命君啟手授書
向天而祝曰天高地卑五岳鎮形元津漱炁滄澤玄清天回
九道六和長平太霄隱書玉珮金璫玉景八會寶洞上章登
行太極上清瑤房泐則受考身獲天殃受者慎之敢告茅盈
君伏受隱書宴集受事粗畢西王母上元夫人各去唯王君
復留於是君與二弟決別而與王君俱之赤城玉洞之府也
道次諸山川有司迎感引者將以千萬矣臨去告二弟曰吾
今去便有司任不得數相徃來旦夕相見要當一年再過來
於此山三月十八日十二月二日期要吾師及南岳太虛赤真
人將盱於二弟之處也將可記識之有好道者待我於是日
吾自當料理之有以相教訓於未悟於是二君留治此山洞
內立宮結構於外將道著万物流潤蒼生德如鳥數各獲其

卷三 三和九

情神驗禍福罪惡必明內法既融外教坦平尔乃風雨以時
五禾熟成疾癘不起暴害不行境无灾眚邑无賊兵時父老
謠歌曰茅山連金陵江湖據下流三神乘白鶴各治一山頭
名兩灌旱稻陸田亦復柔妻子咸保室使我百无憂白鶴翔
青天何時復來游三君徃曾各乘白鶴集山之三處時人互
有見者是以發於歌詠矣乃復因鶴集之處分句曲之山為
大茅君中茅君小茅君三山焉統而言之盡是句曲之一山
耳无異名也父老雖外承茅君仙真之靈祐而實未觀温顏
於膝下茅君亦潛閑洞宮顧神葆真忽臭味之交馳遠凡俗
以靜身故不復外接衆庶耳唯好道骨挺之子時得抽引相
見至於澤溉万物德加兆民已陰為用也時人惟此靈德之
洋溢同於天地大神亦顯聖道之无心因民情而為感矣遂
乃相率扶老携幼挈糧壺漿共起壇積基立廟觀于山中窮

工埴巧結榘連阿圖三君之像於丹青之榜書神靈之德於
能宣之華播殖百果竹柏成林決利清流於毗陵之元帝豹
衛災巨狩備闕素鴻玄鳥翰飛戾天勇者懼其武仁者懷其
父農夫感敬於洪澤万物宗庇於靈信垂死者必獲其生學
道者栖慕于墻岸矣明帝永平二年詔勅郡縣脩靈山大澤
能興雲雨有益百姓者廟如陳國老子廟會稽夏禹廟丹陽
句曲茅真人之廟長沙湘水黃陵二妃屈原之廟有是此之
比者皆德遺黎民道正万物或標聖母之高軌或範聖賢之
靈蹟是故象以銘器廟以期神皆當因而營護使守而脩之
時邑人通呼此廟為白鵠廟而實不知司命君早已東之赤
城也昔人有至心好道入廟請命者或聞二君在帳中與人
言語或見白鵠在帳中白鵠者是服九轉還丹使能分形之
變化也亦可化作數十白鵠或可乘之以飛行而本形故在

卷三 三神紀十

所止也二君性好音樂其有所持念人每入廟者二君常從
方諸宮及西城請天妓天妓來時皆聞虛空之中有音樂之
聲來下稍近既到管絃歌音非人世所聞清哀激洞而不可
名終日乃遣妓去亦復並作並去漸遠良久乃不聞夫此
之神者是能變化假景因百姓之心以順其情耳本真定形
故自燕逸洞臺頤光潛輝乎定錄君曰白曲自是司命之別
宮吾人亦不得為洞臺之正主也東卿司命監太山之衆真
慈括吳越之万神可謂道淵德高折衝羣靈者也賈玄道李
舛非言城生傳道流並受司命君之要也玄道河東人周威
王之末年生舛非涿郡人漢元帝時生道流此地人漢靈帝
殿中將軍也城生吳人後漢劉聖公時為武當郡尉也受學
至勤並得真道後入太山支子小白陽山中此所謂地真者
也李翼字仲甫者京兆人也與司命君俱事西城王君仲甫

為入室弟子司命君為北嶺弟子但仲甫所受業異恒服水
玉有効能步斗隱形晝夜行三綱六紀之法又作白帟七變
百餘歲轉更少壯與司命君同受還丹一劑服而歸家仲甫
相識人相去五百里常以張羅為業當晨張羅獲一大鳥視
察之乃是仲甫語畢別去言已復是日還家在民間二百五
十年漢靈帝時入西岳去亦有迎官如司命君初發時也受
書為西岳副司命每自歎云吾受業少不如茅林申此亦吾
之命也仲甫曾以七變神法傳左元放元放脩之亦變化万
端矣

茅山志三神紀第二篇卷之第三

茅山志括神區第三篇卷之第四

上清嗣宗師劉大彬造

句曲山太元真人內傳曰江水之東金陵之左右間有小澤澤東有句曲之山此山洞虛也觀內有靈府洞庭四開六岫長連古人謂為金壇之虛臺天后之便關清虛之東窓林屋之隔沓衆洞相通陰路所適七塗九源四方交達真洞仙館也山形似已字故以句曲為号焉隱居六小澤印赤山湖徙江來直對望山又曰句曲山源曲而有所容故号為句容里周時名其源澤為曲水之水秦時名為句金之壇以洞天內有金壇百丈因以致名也外又有積金山亦因積金為壇号矣漢有三茅君來治其上時父老又轉名茅君之山三君往乘白鶴各集山之三處時人互有見者是以發於歌謠乃復因鶴集之處分為大茅君中茅君小茅君三山焉統而言之靈是句曲之一山耳隱居云

卷四括神區一

句曲從山領分界西及北屬句容東及南屬延陵山去石頭

江水步道一百五六十里

句容延陵唐並屬潤州宋分句容屬江寧府熙寧中廢延陵山東及南今屬鎮江金壇縣

華陽洞天太元內傳曰大天之內有地中之洞天三十六所其第八是句曲山之洞周迴一百五十里名曰金壇華陽之天洞虛四郭上下皆石也上平處在土下正當十三四里而出地上耳東西四十五里南北三十五里正方平其內空虛之處一百七十丈下墟猶有原阜隴偃上蓋正平也其內有陰暉夜光日精之根照此空內明並日月矣陰暉主夜日精主晝形如日月之圓飛在空玄之中句曲之洞宮有五門虛空之內皆有石階曲出以承門口仙人卒行出入者即若外之道路也日月之光既自不異草木水澤又與外无別飛鳥交橫風雲翳鬱亦不知所以疑之矣所謂洞天神宮靈妙无方不可得而議不可得而因也句曲洞天東通林屋北通岱宗西通峨

肩南通羅浮其有小徑雜路阡陌抄會非一處也漢建元史
左元放既得道聞此神山遂來山勤心禮拜五年許乃得其
門入洞虛造陰宮三君授以神芝三種元放周旋洞宮之內
經年宮室結構方圓整肅甚悅具也嘆曰不圖天下復有如
此之異神靈往來推拔生死如地上之官府矣

金陵地肺福地按洞天福地記福地有七十二地肺福地為第
一即金陵之地是也金陵之地出於內傳其地水至即浮故
又比之於肺抱朴內篇別有地肺山乃玉溜岫又商山亦名
地肺今以為傳為正保命君受言金陵者洞虛之膏腴句曲
之地肺也履之者乃知之者无一又曰金陵者兵水不能加
灾屬所不犯河圖中要元篇第四十四卷云句曲之壇其間有
陵兵病不往洪波不登正此之福地也太元內傳曰句曲山其
間有金陵之地地方三七八頃是金陵之地肺也土良而井

卷四 世補臣二

水甘美居其地必得度世河圖要九篇亦曰迺有地肺土良
水清句曲之山金壇之陵可以度世上界曲城定錄君受言
金陵之土似北邱及北谷關土堅實而宜禾穀掘其間作井
正似長安鳳門外井水味是清源幽瀾洞泉遠沾耳水色白
都不學道居其土飲其水亦令人壽考也內傳又曰金陵之
左右有沂谷溪源陵之左有山右有源沂名柳谷陵之西有
源沂名陽谷又名山內經福地志曰伏龍之地在柳谷之西
金壇之右可以高栖孔子福地記曰岡山之間有伏龍之鄉
可以避水辟病長生本所以名岡者亦金陵之質也是以百
代百易非復本名良可歎也石弼王真人受言越桐柏之金
庭吳句曲之金陵養真之福境成神之靈墟也五倍堯水東
海傾人盡病死武安兵其如牙何由我帶近洞臺之幽門持
此而仿佯耳

山

大茅山在元符宮南獨高處是司命君白鶴所集處定錄君受言大茅山有玄帝時銅鼎鼎可容四五斛許偃刻甚精好在山獨高處入土八尺許上有磐石掩鼎上玄帝時命東海神埋藏於此又言玄帝者昔軒轅子昌意娶蜀山之女生高陽德号顓頊父居若水之鄉頊身陶七河之津是為玄帝也山頂常現神光謂之丹光一曰天燈舊有石壇石屋今為殿宇祀三茅君古石像歲以三月十八日十二月二日為司命游盼之會四方之人來山禮覲盛作靈寶齋事今古弗渝也

中茅山在積金山北長嶺獨高處定錄君受言中茅玄嶺上司命君埋西胡玉門丹砂於此深二丈許堦上四面有磐石鎮其上其山左右當泉水下流皆小赤色飲之益人山下左右有小平處可堪靜舍今三陽百姓間得長壽者謂朱陽

卷四 雜記四三

太陽北陽三村也

小茅山在中茅北太元內傳曰王莽地皇三年七月戊申遣使者章邕賈黃金白玉銅鍾五枚贈於句曲三仙君光武建武七年三月丁巳遣使者吳倫賈黃金玉帛獻三仙君

積金山元符宮之陰定錄君受言大茅後中茅前相連長阿中有連石古時名積金山其處宜人住可索有水處為屋室靜舍乃佳快可合丹以脩上道隱居曰此即隱居今所住處東面一橫麓絕是石石形甚瓌竒多穿穴西南有大石壁聳而拆開內有洞入數丈漸狹小不復容人乃颺之而有風金菌山積金東凹獨小山是定錄君受言句曲支山有名菌山此山至佳隱居曰今人不復知有菌山者此山形當如菌孤立亦或是倉囷之囷形如囷也按大茅後長阿積金東凹地有一山子獨秀如博山壺又近積金正此是矣

華燒山在崇禧宮南昔女仙人孫寒華脩道於此有廟久廢此山夜中多見光景或以為丹芝靈氣居人常望見之

丁公山崇禧宮之陰相傳漢初丁令威仙舉其上不知遼東何得遠來此山豈道成化身任意之所至也

丁山在拱辰峪東

虎爪山在丁山西

雷平山在雷平池上之錄君變言許長史今所營屋宅對東面有小山名雷平山周時有雷氏養龍來此

鬱岡山在小茅東北一名大橫山林木蔽翳望之鬱然故名定錄君變言雷平山之東俗人呼為大橫山其實名為鬱岡山也名山記所謂岡山是矣昔李明於此合神丹而非玄洲水邊今猶有處所其地占名鍊丹院

方隅山真誥云雷平山之東北良常山之東南其間有燕口

卷四 雜補圖

三小山相隅名方隅山古人曾合九鼎丹於此幽人在母時心嘗樂居焉今常游此隱居曰前云李明合丹即此是矣幽人者許椽去母後不欲顯名故自稱幽人耳

三公山在燕口洞東南

青山在鬱岡東其西一山名西青山

森姑山在鬱岡西

獨珠山在雷平南玉匱記云俗呼獨女山

獨公山在小茅北

小竹山在小茅東

良常山太元傳曰茅山北垂洞口一山名良常山亦句曲相連都一名耳始皇三十七年十月癸丑出游十一月行至雲夢祠虞舜於九疑浮江下邳籍柯要梅渚過丹陽至錢唐臨浙江水波恩乃至西百二十里從狹中度上會稽祭夏禹塋

于南海而立石刻頌秦德于會稽山李斯請書乃還諸山川
遂登句曲北垂山埋白璧一雙於是會羣臣饗從官始皇歎
曰巡狩之樂莫過山海自今以往良為常也尔乃羣臣並稱
壽喚曰良為常矣又鳴大鈸擊大鍾万聲齊唱洞駭山澤
讚樂告飛大小咸善乃改句曲北垂曰良常之山良常之意
從此而名又曰良常山西南垂有可住處是司命君往時別
宅處也亦可合丹又曰良常東南又有可住處其間當累石
如竈形間或有寄生樹形如曲盖形此處正好但恨淺耳
雖尔自是洞口西北有一地小危不安要自是立外舍也

秦望山在丁角路良常東北小尖山上下俱路者是也始皇亦
駐此山顧望丘阜

龍尾山大茅一嶺直至山東金壇界宛如卧龍
三角山在華盖峯北

海江山在慶雲洞上

云堆山在皇甫峪南

仙萑山真誥姜升茂種五辛菜以市丹砂隱居曰今呼為萑
山在大茅西甚多大萑俗呼石龍山

驚之山在仙萑山西

大靈山

小靈山並在驚之山西

竹山在疊玉峯南

吳山隱居曰自大茅南復萑山竹山吳山方山從此疊躡達乎
吳興天目諸山矣

方山真誥大茅之西南有四平山俗中所謂方山者也隱居
云此山去大茅可二十許里下有洞穴

鸞輪峯大茅東連峯是也事見稽古蹟篇
五雲峯積金東南對山昔三茅君各乘飛雲現于峯頂人民
共睹藩鎮上聞有詔若曰故得卿雲煥爛仙相分明能均五
色之光徧覆三茅之頂時許長史在都常向方遙禮每云遙
瞻三秀冥運一心故得感通高真用意也
道祖峯在積金之陰

疊玉峯在大茅東

華蓋峯在疊玉東

白雲峯在中茅西

抱朴峯大茅北連峯是也

長隱岡一名伏龍岡隱居曰廿人呼為死蛇岡在郭真人池南
岸一壠長緩而隱障故名此岡上純是細石非可居唯近東南
取長史宅至雷平間甚有可住處義興將負芻尋並立曰舍

卷四 括神區六

於岡下近長史宅四五里

柏枝龍在華陽南洞

桃華庵在小茅北林壑幽邃春時花卉紛敷不異武陵源也
拱辰峪一名拱辰寨在中茅東北劉先生際遇元符官為建
宮仍勅江寧兵士二百人以充巡邏洒掃因立寨峪中詳具
宋史

皇甫峪在三角山

檀子峪在三角山北

黑虎谷在中茅小茅間長阿之西

洞

真人曰天无謂之空山无謂之洞人无謂之房山腹中空虛謂洞庭人頭中空虛謂洞房是以真人處天處山處人所謂出入无間蓋天地之有山洞由人身之有膈穴神炁之所行焉太元內傳曰句曲之洞宮有五門南兩便門東西便門北大便門合五門也隱居云今山南大洞即是南面之西便門東門似在柏枝龍中北良常洞即是北大便門而東西並未顯定錄君受言東便門在中茅東小阿口則西便門應在今呼作石墳處也

華陽南洞在大茅山下柏枝龍中唐越州刺史裴肅字中明造松子石案用以朝真

茅洞在元陽觀石壇下即南面之西便門定錄君受言大茅山有小穴在南謂之南便門但精潔齋心向於司命又常以

卷四 括神區七

二日望山迺迎請祝自然得見吾也誠之至矣陰宮何足不觀乎左慈復何人耶

華陽洞東便門定錄君受言中茅山東有小穴才如狗竇劣容人入耳愈入愈濶外以磐石掩塞穴口故餘小穿如杯大使山靈守衛之此隘石穴時開發耳謂之陰宮之阿門子勤齋戒尋之得從此而入易於良常洞口良常洞多沙路曲僻經水處不大便易又道路遠不如小阿穴口直下三四里便徑至陰宮東玄掖門自非已成仙人不得其門而入也

華陽西洞在積金山東嶺下隱居所謂積金山洞颺有風者是也累朝金籙投龍簡於此即西便門也

良常洞華陽北大便門也是為保命君所治定錄君受言良常北垂洞口真山嶺南行二百步有秦始皇埋藏白璧一雙上有小磐石在嶺上以覆埽處李斯刻書壁其文曰始皇聖

德平章山河巡狩蒼川勒銘素壁始皇所履山川皆禮以玉
璧不但句曲而已洞北石壇即許真人椽燒香禮拜解化之
處真誥所謂此洞告終以此

羅姑洞在金茵山西即九疑山仙人羅郁也

高居洞與羅姑洞並石限界之

玉柱洞在華陽西洞南中積石乳四面僅容人行

華姥洞在華姥山以孫寒華得名

鄴都洞在紫陽觀事見樓觀部篇

小青龍洞在小茅西朱砂泉上

天窓洞在積金山

碧岩洞在崇壽觀後洞頂為嶽峯亭古木危基存焉

女仙洞在碧岩洞東三十步穴口下視如智井然相傳任真人
女得道寢遁于此

卷四 指神區八

柏枝洞在金牛穴南昔人深入聞太湖風濤鼓楫之聲

慶雲洞在海江山下

黑帝洞在華陽南洞九錫碑之左

黃龍洞在九錫碑之右

南斗洞在三角山女官妙法菴

海泉洞在皇甫峪泉源深不可測

水龍洞在白雲峯下

燕口洞在方隅山南有洞室女仙人錢妙真遁化其中淳祐
五年巡檢使夏侯嘉貞與建隆觀道士詣洞投龍簡是夕雷
震洞戶開一廳吏深入遇道士與來禽一食之絕粒

方隅洞在方隅山上真誥方隅洞有二門其一即燕口洞也

洞名方源館南通大茅南之方山亦有二洞口見於外

夫子洞在良常對山孔子未嘗入吳不知何以得名

方臺洞在方山下有洞室兩口見外與華陽通号为別字幽館得道者處焉世人呼為白石洞

青龍洞在恰憤山去方山十餘里恰憤山今人呼為丫頭山在深陽州界隱居曰有大口見外昔有人深入見一大青蛇因相與呼為青龍洞

洞宏深委凡迹可至也

華蓋岩在石墨池上宋末詔舉邑令張樵卜居其前

候仙岩在碧岩洞東數武

霧豹岩在碧岩洞下

碧玉岩在丹谷泉上

衆真岩在茅洞側

錢真人誦經岩在燕口洞上

金牛穴在柏枝洞東秦時採金獲金牛為女子所觸遂擲而出取之不可逐牛至丁角地名因曰上欄下欄又有曰犇牛

裴西 括神隱元

牛犇入海不復睹之也輿地志亦云

曲水穴在碧岩下

水

東西楚王澗舊記崇禧觀東二澗是也并華陽西洞三水合流直至崇禧觀前昔楚威王游憇于上故名隱居去隱居今所住之東面一橫壑西南有大石壁內有洞外數步便有一湧泉水冬夏清流即下解所資近外洞口又有一湧泉水勢乃駛上者冬溫夏冷正對邏前小近下復有一穴湧泉特奇大水大旱亦嘗增損色小白而甘美柔弱灌注无窮但恨盡在山西自不得東流耳按橫壑即洞嶺下解即崇禧觀此水乃楚王澗也

鶴臺澗隱居去度積金壑東南有一石穴水東流極好其處隱障甚可合丹正箇山之前

陶塘澗

宜春澗在中茅東任真人孰東流水合丹正古洞天館之前也

九曲澗支流自大茅左脅而下達于萑蒲潭也

大澗在金箇山東

流杯澗在雷平山西

碧柵澗在大茅西二里郭四朝真人嘗於其處種柵

白李溪在小茅北展上公種白李處

蒼龍溪在良常山西俗呼冷水澗

喜客泉在大茅北垂方池數尺客至泉即湧躍津然或臨以聲勢則變不為動亦一奇也一菴事孫寒華香火

益人泉在大茅東嶺上登真隱訣云天市壇左右有泉皆金玉之津飲之益人故名

玉蝶泉在鸞輪峯西垂二口貯泉至冬一冰一溫又名陰陽井白玉泉在

靈泉在積金山上

洞泉通仙橋一池是也

玉砂泉在中茅西司命君埋西胡玉門丹砂於中茅玄領泉水飲之益人

朱砂泉在小茅西

鹿跑泉大羅源之左古人精脩仙鹿為設此泉

百丈泉在拱辰峪

饋飲泉在大茅南垂泉作乳色

海眼泉有二舊記一在揚尚書山房泉湧能應潮候當積金

二茅之西今西園一泉是也一在石墨池西

丹谷泉慶雲洞之東昔有道人取水合丹童子易他水道人識之由是得名

田公泉

陶公泉在皇甫峪

卷四 諸和區二

玉液泉有二其一在仙人捧石之北其泉甘香微若乳色能已腹中諸疾今見其正白亦呼為白泉一在三角山玉液菴

撫掌泉一名冬溫泉在昭明讀書臺下聞擊掌聲泉湧如沸方池常湛如也

一勺泉在昭明讀書臺後岩上

天池在大茅頂神龍所都大旱不涸

秦龍池在天聖觀大中祥符間勅取龍子御製歌送還山

碧玉池在天聖觀碧玉天帝殿前

放生池在常寧鎮東

石墨池即菴蒲潭漢費長房學道于此書符滌硯澗石悉為墨色至今用池水合藥有奇驗

玉津池在崇壽觀前

周真人池隱居弟子周子良池在靈寶院

雷平地

郭干塘在長隱山東數里村名郭干乃郭四朝真人外解有一塘水常滿鄉人酒之輒有雷電至今請雨有驗每朝真日異香巖人定錄君受言四朝往曾使人種植於此地年四朝每行皆過詣此山以造思和游看原阜

赤石塘

梅家塘在海眼泉西

陶塘在雷平山西

護軍潭在丁角路旁許長史之外解每自外還先於此沐浴齋潔方入山其精虔如此

白龜潭在嶺珠山前梁天鑿中隱居弟子周子良築靜室朱陽館因積茅覆屋後有殘茅周往斂積見一白龜長可六七寸許身形皮甲通白如滑石唯厭上有黑文狀如符書不可識

捉取玩弄復放之潭去數百步外來此積茅中是表真瑞也
詳見周氏玄通記

大羅源在中茅西

桐華源在鶴臺澗上

霞架海在桐華源上

丹砂澗在燕口洞東

陽谷沂太元內傳金陵福地詳之矣隱居玄陽谷沂源出中茅前大茅後數水相注合為一沂

諸水无註者事見稽古蹟篇

壇石橋亭

九層壇有二其一在乾元觀朱觀妙所築一為上清宗壇
禮師壇在雷平頂南唐王貞素建

火浣壇在玄洲精舍

八卦臺在茅洞東

仙女臺在疊玉峯

釣魚臺中茅嶺南危石是

鶴臺在金茵山後

鶴廟頂在中茅西

鳳凰阿在鶴臺前

金星峴在疊玉峯南金沙布地

青玉峽在丁公山東竒石林立即深秀軒故址

捫霞磴在碧岩下徐楷大篆石上

卷四 招神區十二

陶公醉石在中茅嶺

仙人捧石若有人山阿當大茅西垂也

雲根石在白雲峯下

碁盤石在白雲峯上

動石在中茅頂一人可撼多人不能動

降真橋在小茅西向容路三十里

通仙橋直元符宮嶺下崇寧間劉先生建宮時初

常寧橋在常寧鎮

燕洞石橋橫絕兩崖形如按劍

繡衣亭相傳但云是大司命君受九錫處今指大茅西嶺上

二三大石危立向西南崖下小平處為故基也

九錫亭在南洞以覆九錫文碑石柱篆刻自然弟子徐楷敬

謁華陽洞天唐宗題名餘皆缺折

碧岩亭在碧岩洞下所存宋相史公浩隸書榜

嶽崮亭在碧岩洞上

繡羽亭在福鄉井上覆井銘碑

朝真亭在華陽西洞門

朝山亭在大茅北垂

半山亭在大茅半嶺

宜春亭在拱辰峪

彤霞亭在中茅前

白雲亭在中茅北

西龜亭在柳沂上

迎恩亭在常寧鎮北

常寧鎮在句容縣東南五十里金壇縣西六十五里宋天聖間

朱觀妙請于朝為游人行估憇息之所

卷四 括神區古

北鎮在玉辰觀西

西園在積金山西平地

鹿墳在山南大路旁事見劉先生傳

茅山志括神區第三篇卷之第四

茅山志稽古蹟第四篇卷之第五

上清嗣宗師劉 大彬 造

天市壇定錄君雙言天市壇石之下正當洞天之中央玄窓之上也此石是安息國天市山石所以為名也玄帝時台四海神使運此磐石於洞天之上方耳舊記在積金山頂隱居云天市壇石未知的何處在以鷗輪迹而言隱量正應大茅左右又疑洞天中央不應乃近南門後恐中茅間邑人者老亦不復知處一曰仙人市壇真誥保命丞趙威伯善嘯如百鳥雜鳴或如風猷衆林或如伐鼓之音時登天市壇上奮驛北向長嘯呼風須臾雲翔其上衝氣動林或冥霧歛合零雨其濛矣

鷗輪迹真誥昔東海青童君曾乘獨鷗飛輪之車通按行有洞臺之山隱居云今大茅嶺上向東行有路傍山平治狀如人功是通軌輒相傳此為鷗輪迹夫真人常御九龍左騃名鷗右服名欵既履山頂故指乘其左騃

姜巴路定錄君雙言秦時有道士周太賓及巴陵侯姜林茂者來住山下種五果并五辛菜林茂以秦孝王時封侯今名此地為姜巴者是矣隱居曰今大路從小茅後通廵陵即呼為姜巴路也但秦孝公時未并楚置郡巴陵縣始晉初立不知那有巴陵之封恐是巴蜀之巴也

雷平池在雷平山前真誥周時有雷氏養龍于此定錄君雙言今舍前塘乃郭四朝所造也高其塘岸益水得深但歷代久遠塘墻頽下耳四朝常乘小船游戲其中每叩舷而歌曰清池帶靈岫長林鬱青葱玄鳥藏幽野晤言出從容數楫乘神波稽首希晨風未獲解脫期逍遙丘林中其一狼神九蛟外研道遂金真戰此靈鳳羽藏我華龍鱗高舉方寸物萬

吹皆垢塵顧哀朝生總孰盡汝車輪其二游空落飛颺靈步
无形方圓景煥明霞九鳳唱朝陽揮翻扇天津曉靄知雲翔
遂造太微宇挹此金梨悒逍遙玄垓表不存亦不亡其三駕
麟籙神霄披霞帶九日高皇齊龍輪遂造北華室神虎洞瑤
林風雲合成一開闔幽冥戶靈變玄跡滅其四山下居民今
猶呼一平澤地為郭干者是四朝之姓尚存於民口乎
赤石塘定錄君與許長史三月一日書云今當墾赤石田為往
來之階而竟不就事也長史答書云昔占赤石田利近山下
為往來之階此乃丹誠尋遇天旱佃不收塘壞穰尋見用出
此事力未展非為息懷今方居山下故當脩墾以此去洞口
遠故不欲安耳隱居云此田乃在大茅中茅之西去大山近
瞻仰禮拜乃佳而去洞口遠當是道去北洞口遠耳此田
雖食澗水旱時微少塘又難立不知後當遂墾之不今塘尚

卷五 壩壩二

關補築當用數百夫則可澆田十許頃隱居館中門人亦於
此隨水播殖常願脩復此塘以追遠迹且兼為百姓之惠也
田公泉即柳沂泉一名柳谷泉在雷平地東南一里定錄君
嘜言華陽雷平山有田公泉飲之除腹中三蟲與隱泉水味
同云是玉沙之流津也用以浣衣不用灰以此為異蓋古有
田外者居雷平山後得道名泉以此

茅君丹井在下泊宮

李真人井玄洲真人李明鍊丹井在鬱岡方隅洞之東

許長史井在玉晨觀隱居云大明七年有述墟父老徐偶云
先祖伏事許長史相傳識此宅只在今廡前烏相對處應是
似猶有齋堂前井存于時草萊蕪沒即芟除尋覓果得磚井
土已欲滿仍掘治更加磨累今有好水色小白或云似長安
鳳門外水味也二口共一水冬月氣亦寒燠一名陰陽井

葛洪井在抱朴山菴稚川丹陽句容人許長史孫黃氏娶稚川孫女相傳山居其處

陶真人丹井在華陽上館前石橋之東水甘冷遇旱不竭政和初道士莊慎質脩索得之初去土三尺許得石井欄已破毀合之尚全環刻大字云先生丹陽陶仕齊奉朝請壬申歲來山栖身高靜自号隱居同來弟子吳郡陸敬游其次楊王吳戴陳許諸生供奉階宇湖孰潘邏及遠近宗稟不可具記悠：歷代詎勿識焉梁天監三年八月十五日錢唐陳懋宣書及見磚甃又穿數丈獲一負研徑九寸許列十一趾滌之朱色粲然又一鵝尾銅鑪仍見沙石間有丹一粒大如芡實光彩射人亟欲取之隨墮井中鑪研歲華陽經寇攘亡之又一井在靈寶院周真人池側亦隱居丹井也

昭真臺真詰翼真檢叙論真經每云還封昭臺蓋隱居宗脩

楊許三真上法此為藏經之室山中久經盜效寶書真蹟者逸无餘雖有志學之士何由復見真人手澤至此慨歎而已玉晨觀靈寶院即其地

青壇素塔按舊館壇碑東位青壇西表素塔今塔已廢壇亦非舊初皆隱居所建表兩教雙脩之義當在玉晨觀

昭明太子福鄉井在南洞讀書臺東

昭明太子讀書臺在福鄉井上

明皇受籙壇在玉柱洞側

越翳王塚在大橫山下定錄君受言鬱岡山正東面有古時越翳王塚隱居云越翳王是勾踐四世孫初不肯立逃入胥山穴國人燻出之後於吳徙還會稽以周宣王十一年為孫諸谷所殺不知那得遠來葬此或當有神異處也今尋視未見指的墳塚而如有北域處者入按至德遜王吳太伯初逃

句曲山中足知茲山為聖賢栖托自古然矣

隱居幽館在雷平山西南宋元祐初中貴人羅淳一學道山中嘗意隱居之歲有丹砂異書一日穴墓往觀焉唯鐵繩懸一空棺內有一劍并盃鏡各一而已其壙甃甃環繞相次成文隱起甃上其文曰華陽隱居幽館勝力菩薩捨身釋迦佛隨弟子太上道君之臣脩上乘之六度闕三字之三真懋靈岳以委迺游太空而栖神書蹟神妙當是隱居手書墓既開道士輩遂摹此符文以示世人淳一後亦得尸解之道元祐六年長樂林希子中所傳如此

隱居鍊丹壚迹在華陽上館其地以水器試之逸巡地乾如月暈然

王法主墓在常寧鎮北路東唐太平觀華表在桐柏先生墓在隱居幽館之右

卷五 稽古蹟四

玄靜先生墓在伏龍岡西南去雷平地二十步

韋宗師墓在玄靜先生壽宮之左

茅山志道山冊第五篇卷之第六

上清嗣宗師劉 大彬 造

道德經五千文

按登真隱訣隱居云老子道德經有玄師楊真人手書張鎮南古本鎮南即漢天師第三代系師魯魏武表為鎮南將軍者也其所謂為五千文者有五千字也數系師內經有四千九百九十九字由來關一是作三十幅應作廿幅蓋從省易文耳非正體矣宗門真蹟不存今傳五千文為正本上下二篇不彙章

上清大洞寶經篇目

上清大洞高上三十九章經

上清金真玉光經

上清八素真經

卷六 道山冊一

上清九真中經

上清金根玉經

上清躡行七元經

上清七十四方經

上清三天正法經

上清黃炁陽精經

上清青童內文經

上清金闕靈書經

上清紫度炎光經

上清三九素語經

上清三元玉檢經

上清石精金光經

上清丹景上道經

上清神州經

上清三圖經

上清九赤班符經

上清消魔智慧經

上清曲素訣辭經

上清白羽黑翹經

上清素奏丹符經

上清金璫玉珮經

上清龜山元籙經

上清玄紀九霄經

上清四十四方經

上清太霄琅書經

上清石景水母經

上清太微黃書經

上清豁落七元經

上清洞玄大有經

上清金帛真符經

上清神帛真符經

上清神慧高玄經

上清丹章綠字經

上清五晨金華經

上清金房度命經

上清太丹洞房經

上清黃老迴元經

上清高元真法經

上清高上五老經

上清朝禮上仙經
上清玉晨五老經
上清解胞胎上經
上清鎮五藏上經
上清太帝大有經
上清太真求仙經
上清大洞守一經
上清三洞混化經
上清四真內神經
上清六陰洞微經
上清元始歷化經
上清九丹上化經
上清洞神經

卷外 道山冊五

上清四極明科經
上清五老真文經
上清日丹精華經
上清赤書玉訣經
上清洞景金元經
上清靈素上篇經
上清大乘妙林經
上清无上真箴經
上清八素太丹經
上清黃庭二景經
上清黃庭養神經
上清玉京山妙經
上清太極秘要經

上清道君守三元真一經

上清道君守丹元上經

上清金闕守三元真一經

上清皇人守三元真一經

上清太極錄景經

上清青芽始生經

上清大洞寶籙篇目

上清二十四高真玉籙

上清曲素訣辭籙

上清羽章籙

上清洞真籙

上清元始譜籙

上清上元籙

上清中元籙

上清下元籙

上清玉檢籙

上清神虎真符籙

上清金帝真符籙

上清素奏丹符籙

上清瓊宮秘符錄

上清內思上法錄

上清五帝錄

上清三天正法錄

上清黃書八素錄

上清八景晨圖錄

上清洞真八景錄

上清龜山元錄

上清龜山元命大錄

上清龜山真符錄

上清洞真八威錄

上清台龍錄

上清攝山精圖錄

太上清

上清七元上符錄

上清太玄錄

上清流金火鈴錄

上清回車畢道錄

上清徊風合景錄

上清三籙蓬萊版札高上真書

上清大洞寶籙請法詞

衆真所著經論篇目

元始天王紀

上清高聖太上王晨大道君紀

太微天帝君紀

三天列紀

青童道君紀

摠真主錄紀

清虛真人王君內傳 弟子南岳魏夫人撰

太元真人茅君內傳 弟子中候仙人李遵字安林撰

魏夫人傳

楊真人傳

許真人傳

仙人許遠游傳 李遵撰

宋本 道中冊七

蓬萊都水監陶真人內傳 薛羅孺子賈嵩撰

華陽隱居陶先生本起錄 從子翊字木羽撰

陶先生小傳 吳興謝淪永明年撰

梁茅山貞白先生傳 唐李渤撰

周真人傳 隱居撰弟子周子良事行

王晨觀石本加句天童經 宋大觀三年道者梁悟真受

崇壽觀註本清靜經 宋宣和進士常州戴炳獻註

學苑一百卷 以下隱居在世所著書

孝經論語集註并自立意十二卷

三禮序并自註共一卷

註尚書手詩序一卷

老子內外集註并自立意四卷

抱朴子註二十卷

三國志讚述一卷

卅語關字二卷

續卅說二卷

十筮要略一卷

古今州郡記三卷

竿數藝術雜事一卷

登真隱訣二十四卷

以下隱居在山所著書

真誥十卷

草堂法師傳一卷

本草集註七卷

藥摭訣二卷

肘後百一方三卷

効驗施用方十卷

卷八 道山冊八

合丹節度四卷

夢記一卷

鍊化雜術一卷

太清玉石丹藥集要三卷

太清諸草木方集要三卷

服雲母諸石方一卷

服餌方三卷

靈竒秘奧一卷

消除三尸諸要法一卷

隱居集一卷

昭臺弟子傳實編江指序

陶先生文集三十卷

陶先生內集十五卷

周氏玄通記四卷

隱居集進弟子周子良感降事

易說十五卷

王法主撰

脩真秘旨十二篇

以下司馬真人所著書

坐忘論一卷

天隱子八篇

周易義略三篇

以玄靜先生所著書

老莊學記三篇

內學記二篇

本草音義二卷

三玄異同論

道學傳二十卷

道覺論

隱大馬樞撰

兼六道山冊九

右道山冊一卷古文真經相傳品目如上

雜著等書采之隋唐經籍志悉无存本

鄭樵通志藝文略茅山道書目

道德經雜說一卷

靈寶經目序一卷

服御五芽道引元精經一卷

昇元步虛章一卷

靈寶步虛辭一卷

步虛洞章一卷

右陸簡寂真人所撰

道德經註四卷

黃庭集訣一卷

上清握中訣三卷

道引圖一卷

金丹訣三卷

鍊服雲母法一卷

太清諸石變化神仙方一卷

經食草木法一卷

達靈經一卷

養性延命集二卷

養生訣一卷

真人水鑑十卷

周易林一卷

易林鱧三卷

易髓三卷

天儀說要一卷

卷六 道山冊十

星經五卷

三命立成筭經一卷

三命鈔略二卷

三命殺曆一卷

名醫別錄三卷

古今刀劍錄一卷

右陶貞白真人所撰

脩真秘旨事目應一卷

脩真養氣訣一卷

靈寶五岳名山朝儀經一卷

右司馬真人所撰

金藏經二卷 茅君撰

授茅君歌一卷 晉太康時人蘇元明撰

紫虛元君魏夫人內傳 宗撰

仙人許遠游傳 王羲之撰

潘尊師傳 唐武后時人撰

瞿童述一卷 溫造撰大曆八年昇仙

三茅處士王潜傳一卷 无名氏

茅山記一卷

茅山新小記一卷 並无名氏

茅山志道山冊第五篇卷之第六

茅山志上清品第六篇卷之第七

上清嗣宗師劉大彬造

上清經籙聖師七傳真系之譜

太微天帝大道君

上宰捻真道君

元始虛皇天尊。太上玉晨大道君

上相青童道君

後聖玄元大道君

小有清虛道君

卷七 上清品一

上清道祖大洞至尊元始天王上皇天帝紫霞虛皇天尊
元始天王乃玉清元始天中之尊黃庭經云上清紫霞虛皇
尊玉緯經云虛皇者大道之所理即大道之域包羅三清道
之祖也九天生神章稱大洞尊神是也

聖師高聖太上玉晨元皇大道君

玉晨大道君居協晨靈觀樓層之臺治蕊珠日闕館七映紫
房左帶神虎右珮金真龍冠鳳裙羽襪錦帔侍衛天真玉童
玉女各三万人所謂太上者道之子孫審道之本洞道之根
是以上清真人為老君之師萬道之主有傳紀名八素上經
又曰太上隱書金真玉光豁落七元八景飛經黃庭經所稱
太上玉晨大道君正太上之尊也

聖師紫宸太微天帝大道君

太微天帝為三十六天帝之主治太微紫宸玉闕之內受以

金闕帝君日中五帝字曰日菟珠景昭韜綠映迴霞赤童玄
炎麟象凡十六字此是採服飛根之道一名赤丹金精石景
水母玉脆之經

聖師金闕帝宸後聖玄元上道君

玄元上道君地皇之胄居瓊臺之殿侍女從官三万人上升
上清中游太極下治十天乘三素飛輿陰察鬱絕洞臺諸天
河海翔矚小有解駕龜山以校試衆仙隨才授職五年一下
游一年一朝上清有傳紀名靈書紫文一曰五老寶經今三
天州紀是也

聖師上清九微太真玉保王金闕上相大司命高晨師東海
玉明青華小童大道君

青童大君一號青蓋紫童一號斗中真人治東海大方諸宮
東華山丹闕黃房之內乘碧霞流景雲輿帶飛青翠羽龍帔

卷七 上清品二

從桑林千真受涓子三元真一經受太虛赤真人消魔經以
晉代降魏夫人家嘗以三月十八日十二月二日與茅司命同至
句曲推校學者有傳紀名玉保洞觀經一曰雲林上玄品

聖師金闕上宰西極西城摠真道君

摠真大君姓王諱遠字方平益州西城山即西極摠真之府
領仙官五千人治其所茅司命之師也嘗降蔡經家會麻姑
漢安元年壬午從老君降鶴鳴山受天師張道陵經符千卷
降陽洛山受清虛真人清虛上經三十三卷晉代復降陽洛
授道於魏夫人及受楊許三真經法歲以二日同茅司命游
貯華陽推校學真男女當為真人者成都枯蒼崑崙皆為
摠真仙府王君摠司太平下教二十四真人是為三洞教主
聖師小有天王太素清虛道君

清虛真人姓王諱褒字子登范陽襄平人也安國侯七世孫

以漢元帝建昭三年九月廿七日誕焉父謚文侯母夫人司
馬遷之孫真人學道華陰山感太極真人降授上法授真大
君授上經三十一卷遂為盟傳之師共載詣玄洲請書真名
復還西城又詣太素三元君受流金詔落七元八景飛晨神
策玉璽太上遣賜繡羽晨蓋雙珠月明素羽瓊干丹紱錦旌
又遣貴成命之書位為太素清虛真人領小有天王三元四
司左保上公治王屋山給玉童玉女三百人主領寶經乘虔
祈龍輦金蓋瓊輪八景飛輿仗九色之節出入上清受事太
素宴寢太極也上清經錄至是上天七傳而降世矣

嗣上清第一代太師

上清道主南極紫真後聖上保太微玉晨聖后領南岳上真司
命高元神照紫虛至道元君姓魏諱華存字賢安任城人晉
司徒舒之女魏齊王嘉平三年辛未歲生天才卓異玄標挺
拔少讀老莊書服胡麻散茯苓九常欲閒居別處年二十四
父母強適南陽劉文幼彥生二子璩遐幼矣為汲郡脩武縣
官子息粗立乃齋居別室反脩初服以太康九年戊申歲十
二月十六日夜半感太極真人青童道君搏桑賜谷王景林
真人清虛真人來降謂元君曰聞子密緯真炁太帝君勅我
授子神真之道遂出太上寶文八素隱書大洞真經高仙羽
經等書三十一卷手授元君曰此書昔授之西城搃真君今
持付子且語以存思指歸行事口訣乃去元君時年三十七
劉幼彥殺長子璩為庾司空司馬次子遐為陶太尉從事中

卷一 上清四

安城太守元君在卅八十三年咸和九年甲午清虛青童
君再降與靈藥兩劑使頓服之剋期會陽洛宮七日夜半太
上遣懸車來迎元君用歲景之道托形神劍而化往陽洛山
日青童君太極四真人清虛王君凡四十七真人降教元君
隱洞雲臺衆真各標至訓三日而去元君研誦玉書積十
年額如少女於是西王母南極元君來迎升晨詣上清宮玉
闕玉晨大道君太微天帝金闕後聖君各令使者致命授以
玉札金文位為紫虛元君領南岳上真司命秩比仙公使治天
台大霍山洞臺之中主下教學仙者且宴會于清虛之宮次
司命神仙請隸屬南岳迎官並至諸真乃與元君俱詣天台
霍山洞臺便道過句曲金壇茅林申宴會二日二夕乃共適霍
山美璞後仕至侍中蒙使傳法于司徒瑯琊王舍人楊君以
興寧三年乙丑六月二十三日元君與衆真降楊君家自是屢

降句曲多從青童清虛三茅君游真授非一華陽之傳始此
宋元祐進封高元神照紫虛至道元君大元泰定國子司業
虞集撰四十五宗師贊其贊曰

仰瞻紫虛巍乎祝融飛霞成章流響振空日朗月輝
玉質金容上承諸天燄我仙宗

嗣上清第二代玄師

上清真人金闕上保檢仙司命東華道君洞靈顯化至德真君
姓楊諱義字義和本吳郡人徙家句容晉咸和五年庚寅歲
九月生幼而通靈美姿容善言笑工書畫與王右軍並名海
內許先生邁長史穆年並懸殊而早結神明之交簡文帝為
瑯琊王進位丞相用長史薦為公府舍人及帝即位乃不求
遷叙高蹈遺絳精思致感永和五年受中黃子制虎豹法六
年從魏夫人長子劉璞傳靈寶五符時年二十一興寧三年六

卷二 上清真

四代宗師上清仙公金闕右卿司命東華侍晨混化元一真人
仙侯第三子也諱翽字道翔小字玉斧清顏瑩潔特絕世倫
生晉咸康七年辛丑歲正月郡舉上計掾主簿祖司徒府辟
掾並不赴立宅雷平山前密備上道興寧三年七月紫微夫
人降教自是與衆真酬接書疏備備迴元飛步二景儀璘之
法嘗願早游洞室不欲久停人世以太和五年庚午歲詣北洞
告終時年三十者舊相傳云掾在北洞石壇上燒香禮拜因
伏而不起明旦視形如生保命君受言許子遂能委形真化從
張鎮南之夜解鎮南即天師第三代系師魯也自此居方隅洞
館常去來四平方臺真誥云後十六年當度東華受書為上
清仙公掾妻達康令黃演女名敬儻生子黃氏乃遣還家黃
氏字玄文年十七仕至司農丞元興三年避京畿亂乃奉遺
經入剡中矣

贊曰紫微受書追奔兩儀人間如帑久留何為委形虛壇
合莫太始遺經不忘保之有子

五代宗師上清仙卿保真先生姓馬諱朗一名溫公字子明浙
東剡縣東關人家素饒財履信行義為鄉里所宗聞茅山揚
許得道盛傳南真上清經法以其居接金庭天台咫尺仙府
弥加崇慕元興三年許丞黃民載經避亂君躬迎道左延心其
家禮敬供養元嘉六年許丞還錢唐封其先世真經一櫛子留
君靜室之中且云此經並是仙靈之蹟唯須我自來取縱有
書疏慎勿與之惟分十數卷自隨至錢唐感疾慮不即瘥遣
人取經君既得書堅執先旨謂親受教敕豈敢輕付遂不還
經許亦旋歿君同弟罕敬事經寶有過君父恒使有心奴子二
人一名白首一名平頭侍直香火洒掃拂拭每有神光靈炁
見於室宇君妻頗能通見云數有青衣玉女空中去來狀如

飛鳥君家遂益富盛資產鉅萬累世壽考而終

贊曰天不受道地不受寶而彼鄙薄莫之能保羣真手野

玉珮金璫知之者希見之者昌

六代宗師上清仙卿輔正先生諱罕字子言保真之堂弟也
同兄敬奉經寶居士婁惠明者先在刻意甚貪樂經法而
高鑄巖固觀覽无方景和元年乃出都令嘉興受季真啓宋
主勅就馬家取經比經至都是呈景和於華林廳開勅以付
後堂道士即陸先生靈驗記曰二馬有保經之功沒世之日上帝命
靈官持玉版召入金庭洞天俱授仙卿之任

贊曰維昔茅君兄弟及繼茲令眾共保靈笈玉書所在
万神衛持道以時興匪人得私

七代宗師上清監仙大夫九天掌籍宋國師謚簡寂先生丹
元真人姓陸諱脩靜字元寂吳興東遷人父琳九徵不起謚

高道處士真人蹠有重輪足有雙蹠掌有大字背有斗文薦
好文籍旁究象緯及長好方外游南詣衡湘九疑訪南真之
之遺蹟西至峨眉西城尋清虛之高躅宋元嘉末因市藥京
邑文帝召不往乃友陶淵明僧慧遠於廬山明帝泰始三年
詔江州刺史王景宗禮聘來朝勅住後堂真人不樂乃授館
于外又勅會于華林延賢之館王公畢集真人庶巾謁帝而
升帝肅然加敬遂以是季真取到上清經法勅付真人搃括
三洞為世宗師仍勅北郊天印山立崇虛館建傳經宗壇教
法大備矣明年帝疾即其館脩金籙一夕有黃炁如寶蓋狀
弥覆壇宇帝復感異於夢疾乃有瘵所著齋法儀範百餘
卷元徽五年正月忽若越裝將還舊山弟子皆訝之乃三月
二日儻然解化時廬山諸徒屬共見霓旌藹然下臨靜室聞
空中有言曰上清監仙大夫降俄而勅送冠履還山詔所居

卷七 上清品八

為簡寂觀

贊曰緬游靈岳結友匡廬采秀黃華濯清素蕖手握竒文

足履輪輜蕭館虛林想見遺躅

二代宗師紫微仙卿興世明德先生姓孫諱游岳字穎達東
陽人性稟淵淳博學經傳拜簡寂於仙都山教服穀精丸居
仙都四十七年不與世接後來茅山簡寂見而喜曰遲君來
吾高枕廬山矣授以楊許真法未幾簡寂化詔先生主興世
館為嗣宗師一時名士沈約陸景真陳寶識等咸學焉弟子
百餘人先生嘗夢茅君曰青華小童復降句曲汝弟子中善
護持之永明間陶弘景入山先生異其丰神超詣且聞身有
斗文因省所夢曰青華小童豈非斗中真人耶即盡授其法
累表乞還山詔不允永明七年五月十五日沐浴遷神年九十
贊曰百穀之精結英中庭人以腹實我以虛寧金真玉光

神文在世青童復來吾得攸寄

九代宗師金闕右卿司命蓬萊都水監梁國師中散大夫謚
貞白先生宗元翊教真人姓陶諱知景字通明吳荆牧濟七
世孫丹陽秣陵人也生宋孝建三年丙申四月三十日甲戌十
歲見淮南八公事便嗜養生之說既冠而不肯婚以資營未
立薄游下位仕齊歷諸王侍讀年二十餘從興世館孫先生
咨稟經法茅山獲前真楊許手書於是越假東游詣婁惠明
於大洪山遇杜京產於太平山尋鍾義山於苑山謁朱僧標
於天台又獲真人手蹟十餘卷還都以振武將軍除奉朝請
永明十一年乃拜表辭職時年三十七遂來山自稱華陽隱
居嶺西立華陽三館上館建層樓身居其上弟子居中接賓
於下梁武即位孫加欽重時人謂為山中宰相天監四年出
居嶺東有事于鱸燧七年以為林岩淺近復思遠游乃改

卷七 上清品九

名氏曰王整官稱外兵使半出山至永嘉楠江青嶂山夢佛
受記名勝力菩薩住大若岩備所著真誥復泛海詣霍山經
年還木溜崎武帝有勅迎還舊山曰詣鄖縣禮阿育王塔自
誓受五大攝戒既歸入住東澗明年冬徙朱陽館又移鬱岡
齋室先生山世所著書二百餘卷弟子受經法者三千餘人
大同二年三月十二日作告逝篇示桓法闡等即日尸解年八
十一屋中香氣積日不散勅遣舍人主書監護空事十四日
窆虛柩于雷平山先生神儀明秀盼睐有光形細長項耳間
矯々顯然異衆矣嘗言心中恒如明鏡觸形遇物不覺滯礙
紫陽王君曰陶公久入下仙之上乃范幼沖等也趙丞曰蓬萊
都水監高光坐治水事被責以陶代之既且停台當更選耳
按此乃乙未年中事見周氏玄通記後二十一年先生始去世
仙位當更升也

贊曰高卧白雲晨殮絳霞弟子如林著書滿家耀神九清
騰耀三景與天為徒如日之炯

十代宗師上清少室仙伯唐國師金紫光祿大夫謚昇玄先生
姓王諱遠知字德廣瑯琊臨沂人父曇選陳揚州刺史母丁
夢鳳鳥集其身僧寶誌謂其父曰生子當為神仙宗伯以梁
大通二年生弱冠師宗道先生咸矜進而宗脩隱居經法陳
主召入重陽殿特加禮敬逸歸茅山居于洞西北嶺隋晉王廣
鎮揚州具禮迎請既至忽須髮變白王懼而歸之大業七年
煬帝幸涿郡召見臨朔宮扈駕洛陽奉勅詣中岳脩齋復詔
京師建玉清玄壇以處之唐高祖龍潛時先生密告以符命
武德中太宗為秦王平王世充因與房元齡微服謁先生
迎謂曰此中有聖人秦王乃審其實先生曰方作太平天子願
自愛已而請還山貞觀九年勅建太平觀賜田慶道士七十七人

卷七 上清第十

為侍者八月十四日適因睡寤喜形於色謂弟子曰吾向暨游
洞宮仙官見報欲以疲朽補為仙伯名位已定行在不久十六日
沐浴入室焚香顧問侍者日時早晚對曰辰時日好即正衣
冠就寢而化年一百二十有六高宗調露二年贈太中大夫謚
昇真先生天后嗣聖加贈前号時稱王法主云

贊曰翺鳳儀覽德不遲或隱或來景運有期貞化神通
不滯玄白百廿六歲唐仙宗伯

十一代宗師上清檢校仙公唐國師太中大夫謚體玄先生姓
潘諱師正字子真貝州宗城人父寔隋通州刺史母魯氏善
言名理口授以道德經母卒廬墓以孝聞大業中有道士劉
愛道者見而奇之曰三清之驥非尔誰乘之時王法主為煬
帝所尊禮每入禁中躬薦松水以祈福愛道曰吾甚欲子相
從然成就功道非法主不可由是師事法主同還茅山一日

謂先生曰嵩陽乃汝脩真之地當亟往無疑先生遂入雙泉中嶺間居十許年復深入道遙谷邈與世絕上元三年高宗幸東都禮嵩岳召見先生請作符書辭不解又問山中何須答曰茂松清泉臣之所須此中不乏帝異之調露初再記嵩帝乃幸道遙谷見薛荔繩床將朽敗餘无火粒之具唯兩瓢貯青飴飯耳因即其地勅建崇唐觀明年春又以步輦致先生於洛城西宮仍勅改嵩陽觀為奉天宮每手詔具弟子姓名咨白自是乘輿屢陟山阿帝在洛陽復台對及請還御製詩以送先生嘗謂弟子曰吾實无用接見帝主驚擾靈岳汝等學道不厭深眇則无累矣永淳元年六月十四日素沐浴書符置湯中曰終身淨也時造石室於此岩下將成十六日遽云去弟子韓文禮問何去曰泰山檢校功德語畢雲氣覆庭須臾解脫年九十八天后降制若曰去年冬晚軒皇之駕不追今歲秋初

卷七 上清經

廣成之居又竊聖曆二年立碑嵩山

贊曰絕世之資皆思友之仙緣有定敢縻以私茂松清泉亦復何須冥心合真樂出太虛

十二代宗師上清玄初仙公唐國師銀青光祿大夫謚貞一先生姓司馬諱承禎一名子微字道隱世居溫晉壺城王權之後襄滑二州長史仁最之子生而能言天錫神表年二十師體玄於嵩陽受金根上經三洞隱書嘗有鳥如鳳凰下集香几爪痕著几成書文曰東華上清真人由是益神其行玄宗異之遣使徵聘勅王屋山置陽臺觀以居一日感天帝台遂來山禮謁華陽洞天因撰貞白碑陰記師以王屋小有之天摠真之府景炁幽歛神祇會昌吾道苟行奚足不可翻飛投足有終焉之志復於觀之朝維高丘之午窮極絕界得中岩臺上直天壇下縹長阜巨木圓抱鳴溪中流每養龍大谷相鶴中

峯燹金洞之衆香吸石窓之鮮炁有日矣著坐忘論及撰脩
真秘有十二篇為隱居真訣之副師且憲帝恩深久遂徙居
天台玉霄峯以期沖舉又勅建桐柏觀其地請師五體書道
德經開元乙亥歲六月十八日忽謂近侍曰吾已受職玄都不
復得住乃部署封檢若將遠適迨暮有赤雲繚繞摩地而來
雲上簫聲泠然衆咸駭異謂必上升遽度戶而已蛻形矣玄
宗御製碑在桐柏頂

贊曰至神合虛應物无迹強名坐忘銷尔塵質高風華林

旭日丹臺蓬海无師歸求天台

十三代宗師上清真人唐國師正議大夫玄靜先生姓李諱
含光廣陵江都人本姓和避則天諱易為家世業儒父孝威
号貞隱先生精黃老之術神龍初師以清行度為道士居龍
興觀開元十七年從司馬馬先生於王屋山一見目之曰真玉清

卷七 上清品十二

之客也居嵩陽二十餘年司馬僊游玄宗召詣闕與語歎曰
吾見含光知司馬真人猶然在世一日問及金鼎對曰道德公
也輕舉公中之私耳若忽道德而求生徇欲則似擊風玄宗
深感異之詔居陽臺觀歲餘稱疾乞還向曲纂脩經法天寶
四年十二月命中使賈璽書徵之既至館於禁中每欲洛禀
必先齋沐請傳道法辭以疾不能強而心再求還山乃特勅
楊許故宅紫陽觀以居之御製詩餞別又禁山中采捕漁獵
食葷血者不得入時經誥真蹟已多散逸師奉詔搜訪備得
寶書進上之又詔山人王旼請師楷書上經十三紙以補遺闕
七年三月十八日玄宗受三洞經錄于大同殿遙禮度師賜号
玄靜先生法衣一襲以伸師資之禮詔刻石華陽洞宮以志
之繼兩徵詣闕旋皆請老而還為國脩齋數感甘露靈芝之
瑞大曆四年己酉十一月十四日解脫于紫陽之別院年八十

有士以左玄大夫贈正議大夫

贊曰公私之辨至道名言徒說弗後頗煩主恩上經十三
妙補遺闕參著刻銘无愧稱絕

十四代宗師上清仙伯大洞真元先生姓韋諱景昭丹陽延陵人吳司空慎十六代孫精究儒術而不肯取科名獨慕神仙之學初度于延陵之寧真觀師事包士榮士榮師崇玄觀包法整法整師包方廣方廣師王軌軌之師昇真王法主也惟習靈寶經法後居長安肅明觀至天寶中奉詔侍玄靜先生歸茅山勅建紫陽觀居焉大曆初受玄靜經錄正傳肅代以來天下喪亂師獨以道為己任貞元元年十一月癸卯召門弟子曰吾昨見仙官持勅書召任上清仙伯不復住世矣來何為喜去何為悲汝等躰之母或哀泣時年九十二而化贊曰神鴻虛生至靈為寶世塵紛揚獨靜以保時成返空

卷七 上清先生

我知其歸來无所欣去无所悲

十五代宗師洞真先生姓黃諱洞元南岳人早游華陽與玄靜先生為師友嘗受行中黃服日之法後入武陵住桃源觀有瞿童子名柏庭自辰溪來師事甚謹一日獨游歸語師曰桃源中有水洞花木紛馨洞室周繚澗中多五色石童子得一石狀如龜引之首尾俱動師藏經笈中旬餘失所在異日約俱往水溢溪洞迷不知處大曆八年癸丑夏五月晦童子辭師曰後當於句曲相見明年師徙居廬山紫霄峯凡十載復來山住下泊宮日誦大洞經嗣韋宗師之學又八載瞿童子者至師適曳杖有出柏庭亦不留及歸聞姓名大駭遂易服焚香望空拜伏久之凝立而化舉體唯空衣耳德宗漢興贈先生号壽九十五

贊曰瞻日得道其知甚真柏庭之來桃源始春石龜五色

首動尾應忽然已之妙極玄微

十六代宗師明玄先生姓孫諱智清不知何許人在樞祿時畏聞腥羶及解事唯進以酒辭家入山師洞真先生大和六年為山門威儀七年奏請重禁采捕四時祭祀咸純牲牢奉勅書立石紫陽觀李衛公尊師之嘗有詩贈武宗會昌九年召脩生神齋勅建九層寶壇行道曰賜号焉解化時衆見風雨中有大魚金鱗玉鬣師乘之凌大峯而上未詳歲月

贊曰食味養形食氣養神鼎俎傷生忍而害仁我貴食毋无假于外瞻儀有感豈識其會

十七代宗師唐國師希微先生姓吳諱法通潤州丹陽人有文學試舉子業不利來山明玄先生度為道士盡授經法踰年明玄化形風雨中師大悟解禧宗乾符二年遣使受大洞籙送尊稱為度師賜先生号天祐四載年八十三預知世行

卷七 上清

有慶潛入岩洞不知所往

贊曰世之將危智者去之而彼真人慨然興悲深處岩洞流潤千里動植遂生風雨時至

十八代宗師洞微光靜先生姓劉諱得常金陵人十七歲作大道歌見吳宗師觀其氣骨飄然出塵曰賢者能飲茅山泉一月當十倍今日聰明一年特生光慧十年間仙道矣師乃作冷泉吟又曰吾有五經妙旨子若歛華歸實可以混合天人離情理識由是再拜執弟子禮得其道居紫陽觀二十年不踰戶闕華姚山一夕有童子歌曰靈苗長金刀響山中人數聞之慮有兵是年感應黃芝經月枯萃師亦解真

贊曰龍章鳳書可制劫運藏之貴虛保之貴定全體皆用誰執其方欲窮所之弟子亡羊

十九代宗師貞素先生姓王諱柘霞一名敬真字玄隱生於

齊而長於晉七歲神童及第而仙才靈氣稟於自然天祐丁卯歲避亂南渡至于壽春從問政聶先生傳道法及來華陽又從威儀鄧君啓遐受大洞經訣南唐烈祖方在賓門寔來作鎮台師至金陵館於玄真觀聖曆中興恩禮殊重加金印紫綬号玄博大師表請還山詔不允又加貞素先生号後贈洞微元靜之稱保大元年壬子歲夏四月甲寅隱化于玄真春秋六十有二購錢二十万奉窆歸墓雷平山徐鉉撰碑

贊曰旭日未升衆星繁如江南之都依我仙墟金印紫綬於我何有彼以為貴來斯頓受

二十代宗師紫陽冲虛先生姓成諱延昭字懷玉潤州金壇人氣稟純素不染世塵初詣紫陽觀王先生伏節為弟子宋開寶八年平江南後刑部郎中知昇州楊克讓請師為茅山威儀兼昇州道正未幾辭還紫陽舊居門人受學甚衆淳化

卷七 上清聖主

元年四月十四日无疾從容觀化年七十九

贊曰域中之大唯王與道我以虛神彼以位寶華陽之傳其書孔多以佐時功陰陽大和

二十一代宗師洞虛先生姓蔣諱元吉字吉甫号碧虛子常州義興人祖麟父器之貨藥不二價為鄉里醇儒先生丰標絕塵厭事生產作業讀書尤長於詩常白日鼓鶴飄飄有霄舉之氣從冲虛先生應詔居京師久之同還紫陽極論上清之學曰三洞玉書非子不足付度師曰度文不度訣吾无望於師焉冲虛曰度人不度文吾所望者子耳師既受度人曰蔣氏世德之報我奉揚大教屢有禎祥咸平改元三月以經籙授弟子萬保冲十五日仙去

贊曰朝游寶林暮宿玉池微嗟吁漱籙生涼颺玄圃之英耀其羽我翔太清假尔飛舞

二十二代宗師沖素先生姓萬諱保冲字用玄常州武進人
幼失怙恃兄氏教撫之及長議析業師曰吾无兄无有今日
先人不業非所願得寄迹黃冠足矣遂詣騰仙觀出家後來
禮洞虛壇下咸平元年始傳上道專善採服日霞之法至九
十二解脫顏良如童景德間奉詔請禱大應聖書賜号退隱
黑虎谷中

贊曰赫陽吐芒赤水騰光引以神鼎灌以靈椽千日道成
潛躍自在盪垣玉童編衣玄帶

二十三代宗師宗國師觀妙先生姓朱諱自英字隱之句曲
朱陽里人生於太平興國元年八九歲從牧兒郭千村能吹
笛致鶴父母以為不祥棄之乃從朱元吉著道士服時年十
二端拱之初也經真明真張鍊師居積金山頂試辟穀術人
稍趨之遂思遠游至襄陽遇異人陳鐵腳挾往青城山後過

卷七 上清品十六

瀨鄉校離太清宮古箴經遇水星童子武抱一游河中府行
止神變景德元年嗣教年二十九四年真宗遣使祈禱明年
仁宗生事具宗史奉旨住持玉清昭應宮山中勅建乾元天
聖兩觀賜号國師明肅太后傳大洞畢法復賜号觀妙先生
還山得武抱一蜀中所寄書意警責姓名顯耀暴露天機先
生對之泣數行下弟子莫測也天聖七年十一月坐化手執
祥符所賜玉如意流汗浹體頷有寶珠尸解之上法者世壽
五十又三

贊曰赤子童真宿智冥得凌虛有音履水无迹有道之朝
援如中春執玉振金為時外臣

二十四代宗師通真明元先生姓毛諱奉柔建康句容人嘗
侍父入茅山天市壇遇黑虎父終无所見先生追視之虎拜
其前觀妙宗師聞而異之謂其父曰華陽之道在君之子矣

遂留山中師事觀妙謹朴忠厚有長者風結廬積金山慕隱居道靖之地居焉苦志在於輕舉嘉祐八年十二月大雪中菴前木犀驟花先生心異之少頃有道士劉混康者自常州泰和觀來先生感其誠懃且嘉瑞應一時授以經法未幾解化崇寧元年贈先生号

贊曰積金之陰其神孔威潛靈感符啓我仙扉兩扉闔開神生景丹光在林人識餘鼎

二十五代宗師葆真觀妙冲和先生大中大夫謚靜一姓劉諱混康字混康字志通晉陵人景祐二年乙亥十二月二日生十三歲從泰和觀湯含象嘉祐五年試經為道士一夕夢神人告曰汝名學仙當擇名山嘗患世无良師每靜夜登壇散煖焚香以天為宗已而聞華陽毛宗師有道往依焉菴居積金山常有五色雲結為樓殿人異之一日有三羽士

卷七 上清品十七

造其廬指菴之東隅謂師曰汝即此居抱神守中德惠及人當无愧前人也又顧師眉間曰此无作之地道之所尚不可有疾手為捫之明日瘕滅元祐元年哲宗后孟氏悞吞針喉中醫莫能出有司以高道聞召見師進服將區出針刺符上宮中神其事賜号洞元通妙法師住持上清儲祥宮紹聖四年勅江寧府即所居潛神菴為元符觀別勅江寧府句容縣三茅山經錄宗壇與信州龍虎山臨江軍閭阜山三山鼎峙輔化皇圖徽宗加号元符萬寧宮賜九老仙都君玉印景震玉欄具劔御製詩頌書畫賜予不能悉紀師累表災變上雖加歎而不能用其言屢召至闕大觀二年赴台出山羣鹿遮道師以意喻之一鹿觸車而斃瘞之道左先是所蓄鶴聞令飛去師曰鶴去鹿斃吾天還期四月至京館于儲祥宮新乞符之別觀夜夢天帝召謁朝駕幸儲祥就見因進上所誦

大洞經十七日臨午儻然解脫年七十二勅遣使護柩還山
墓壘玉峯持詔建藏真觀為祠堂去

贊曰玉華蕩空金英散香羣仙啟關受契紫皇神明之區
有相成道嚴真給傳天地同老

二十六代宗師凝和殿侍宸守靜樂和法師沖隱先生姓宣
諱淨之字清遠金陵人父得一好道術鄉里号達翁餘杭有
杜道士者自匿其名嘗從翁游熙寧元年師將誕父夢杜投
其家心異之師勿與羣兒戲輒畫地為道家像父携之來山
劉先生見而奇之曰是子他日人天師也師喜躍誓不復歸
父亦欣然從之元祐間與俱入朝先生被旨住持上清儲祥
宮以師歸主元符宮事崇寧四年賜法師号兼領崇禧觀凡
上恩興逮土木與夫山門之請乞師備勞焉撰集科儀營救
貧乏尤所致意政和三年七月三日召門弟子曰吾今四十

卷七 上清中十八

有六歲昔先師嘗授記以為過叨朝廷厚恩壽當不逾於此
遂索華書遺表盥沐更衣泊然而逝表聞天子嗟悼詔贈沖
隱先生爵及父母塋藏真觀之山入室弟子俞希隱徐希和
希和得白嗣傳印劍希隱入青城山今蜀人有聞洞法上道
俞公之行化也師美髯長身丰骨異俗每入見為上加賞云
贊曰秋空塵消春洲冰渙羨我仙儀皇朝所賞徒贊其儀
弗究其道臨終之言帝王之要

二十七代宗師太中大夫凝神殿侍宸養素觀妙先生姓徐
諱希和字仲和金陵溧水人祖父樂施與宣君尤為徐君所
敬慕命師以侍巾帛嘗從入朝上嘉其道卜清素勅就陛前
承恩為道士沖隱解化泰御筆嗣宗壇政和四年召詣闕及
秋還山賜丹臺郎轉太素大夫凝神殿校籍宣和三年復波
召由廷建別館處之四年授前職請 故山勅有司禮送五

年三月十八日降御封香入山有白鶴天燈之應每坐大靜
樓降仙真侍者窺之唯聞其語師預知世故常若隱憂靖康
之初閉靖不食一日集徒衆曰吾仙期已迫不得見聖人治
世也以建炎元年七月二十五日若坐忘長往矣

贊曰古先聖真鍊貞返始往來无方聚散无體我神甚真
故與之遇外户何人欲聞其語

二十八代宗師允觀先生姓蔣諱景徽字通老金陵句容人
眉目秀異面有斗文十一歲侍冲隱公及聞三洞俞先生入
蜀往見於峨眉山俞嘉其意益其所學臨別謂師曰三十五
代我當如阜及山嗣掌大法建炎寇起燬光符宮師獨保經
錄印劍左街道錄傳希烈聞于朝高宗賜金重建宮師復行
化至京師前一夕和王楊公存中夫人趙同夢天尊降其第
明日師謁王門王大敬信今宮山門王所建者嘗歎曰吾以

土木事齋損仙業不得白日昇翥師有白玉天尊像甚秘比
至解化像亦亡去紹興十六年四月二十九日也

贊曰土木之崇時息時興我行无為彼夢有徵我象帝
玉負天粹臨化俱返孰執其契

二十九代宗師崇德先生姓李諱景合字靈運句容人幼師
允觀諒練經法南渡之後壇席典儀缺落賴師潤色之一日
游雷平山得古劍一以獻允觀允觀曰此陶公墓中物也神
物不可泄合歸之故地果得隱居墓卓劍墓上須臾雷電大
風晦冥明日往視其劍无有墓上復得二青李允觀聞之曰
劍去李出子嘗避席即奉師登壇是日席罽鹿鳴鸞鶴
友至師好施藥人一疾安令投一錢井中積錢盈井人呼曰
藥錢井以活人可知矣紹興二十年九月十五日不疾而逝
葬歸真山中

贊曰神物之還雷電與俱青李何來報徵神墟裝藥羣法
泉流林注以无盡施待有緣者

三十代宗師靖真先生諱景暎字靈暉崇德宗師弟也早喪
父事母至孝年四十不娶母卒從兄着黃冠崇德公曰吾昔
得二李陶公墓下子來驗矣曰作二李亭于白李溪師至性
澹泊深寶慈儉一入大靜孫月不出高宗累召辭疾不起即
山中賜号靖真先生紹興二十五年夏早留守詣師請雨大
應守聞之朝使一再至師辭疾愈力明年為秦夫人王氏拜
章知檜繫鄴都事隆興二年正月一日謂侍者曰吾將觀
化矣遂閉靜危坐不食至六日午時化

贊曰太一好生法容禱祠而所福禍則不敢私迷國當誅
猶冥冥報玄獄之警亦輔名教

三十一代宗師保寧沖妙先生姓徐諱守經金陵溧水人母

卷七 上清品二十

夢流星降其室而生十歲不能言有道人言自茅山來服其
丹遂能言母乃令入山師事靖真守一抱道不求人知隆興
二年嗣主壇壝朝廷累召守靖真之教確然不起每有禳禳
遣使即山脩事輒獲嘉應及得江陰秦先生手印劍付之退
歲於密慶元元年三月九日辭衆而逝

贊曰流星之光下而為人歛精含輝忘言絕塵神丹之來
道不苟授應物泊然是善玄守

三十二代宗師明教先生姓秦諱汝達字通遠江陰人家貧
苦學常拾廢紙遺筆學書強記過人訪道東南名山保寧
宗師闢館西洞以書鼓之先生來與語通夕明日以印劍奉
先生登壇衆望見先生眉宇若神皆服保寧公擇賢之密知
人之明也紹熙二年朝廷遣使封香營金籙齋有白鶴綠雲
之異賜先生号慶元元年十月九日向容簿沈來謁比列至

山橋聞鍾聲人曰秦宗師仙去沈大駭還望先生跌坐凝然
體猶溫澤因嘆曰相逢茶已罷一咲便昇仙入室弟子邢汝
嘉時在京為太一宮高士左街道錄是日還山奉勅嗣教師
賞曰仙學所能非人間書示假豪素何妨棄餘幾動於
我感以虛謂我預知孰究玄樞

三十三代宗師真應先生姓邢諱汝嘉字子嘉建康溧
七歲能綴文善談名理身長七尺手垂過膝孝宗召為
高士師蚤年寡髮不勝冠特賜巾裹上殿并御製詩曰朕今
命製華陽巾賜與茅山得道人戴此不妨朝玉陛免教五嶽
受埃塵慶元元年十月三日得秦宗師書曰吾近得真誥內
有回車之期宗教甚重子可速請勅歸領印劍期以九日到
山奏聞上深異之勅送還山為嗣宗師重建藏室獲施與金
帛數萬計謂門人曰吾非好此明年將歲穴饑矣嘉定二年

卷七 上清品廿一

三月廿二日不疾而化是歲秋歉甚衆賴以安有餘濟困
者活人无算其存心如此

賞曰於皇阜陵躬勤孝理爰尚清靜詢于真士手製華陽
俾卻寇塵疇克稱茲王立長身

三十四代宗師冲玄明一先生姓薛諱汝積字德夫常州晉
陵人性簡儉學周易老莊與真應先生意甚相得真應以
士主祠尚方音問不相涉二十餘年後卒師友傳其道
嘉定六年癸酉地臈日寧宗皇后楊氏用明肅太后故事
右街鑿義上官德欽賫香幣受大洞畢法遙禮先生為度師
脩羅天醮甘露降靈芝生白鶴綵雲嘉瑞非一高士劉先生
撰傳錄記七年十二月十八日解真先生初名克昭字明
及傳華陽之學更前名著其世德之由起也

賞曰發書啓玄托易著明出日八月道正不傾瑞露密降

芝英自生白鶴起飛遂超太清

三十五代宗師通靈至道先生姓任諱元阜字山甫溧水人幼負奇質察理幽深神貞超然綽有仙氣薛宗師夢童子揭其坐席曰俞先生來子慎避席俞即元觀蔣公我眉山見之有三十五代如阜之語蓋蜀中仙去數十年薛公嘗聞斯語矣及師入山薛公曰華陽再來客也即授以玉書學者駢踵而至嘉定十六年涪兩寧宗召至闕脩大醮師勅水至坤隅向良戶躡罡若有禁勅上亦先夢其地有妖異人所不知者因賜号通靈明年復合禱而加至道賜象簡冠帔皇后之統扇親書特賜妙相真人于上其他賜予悉散貧者上加敬嘉熙三年三月十八日建齋罷白衆曰吾將佐司命理忠孝之任宜珍重焉儻然而逝壽六十四

贊曰孰謂仙真遺世去之受職于天忠孝是司地道无

卷七 上清品三

含章為美俾揚皇風是用錫尔

三十六代宗師明微先生姓鮑諱志真字溥夫溧水人家業儒而貧父道中得遺金有遠吏泣至問所遺即歸之夕夢羽人謂父曰汝有陰德生子當仙父母以歲疫命入山受道是年疫惟鮑氏一門免焉趙葵開闢東方請師醮拔滁城戰歿之士羽童鸞鶴見於雲中葵深敬異之復授義家獲南岳景震劔溥祐三年上表解職居陪真館日誦太丘隱書十一年辛亥其四月十七日靜一先生解真之日也燒香作禮名大衆曰我當從祖師去矣是夕脫去

贊曰千萬之一人保純德萬億之一純德之極純極而仙人化而遷父不拾遺仙許子為

二十七代宗師靈寶先生姓湯諱志道鎮江丹陽人讀書負奇氣壁髻跣足坐大茅山頂三十年誓不出山趙善湘帥金

陵訪山中高道一見奇之使禮明微宗師始聞大道之要淳祐三年傳印劍五年秋大旱召赴闕禱雨師曰雨不須禱上曰亢旱奈何師曰臣聞民者天之赤子陛下憂民若此雨當授至臣行不足格天臣心有足知天是夕果雨上大悅民舉手曰湯仙雨也召住太一宮力辭還山賜資特厚十一年四月上表退席寶祐六年正月三日說偈有云一笑入窠天一乃一笑辭世

贊曰冠巾裳衣人飾其外我壁以游返頂非恠桑林之憂釋以甘露而不自神曰天所溉

三十八代宗師沖妙先生姓蔣諱宗瑛字太玉毗陵人多習舉子業長游四方居越之金庭山二年嘗於石壁間得登真隱訣一書私甚異之遂挾書來華陽從湯先生游一昔夢天門開見游玉海仙人五字明日傳度登壇曰以為号朝廷行

郊祀禮久兩名詣闕禱乃大霽理宗賜御書上清宗壇聖德仁祐之殿景福万年之殿凡三踴賜錢十萬緡繕脩宮宇還山累表乞謝事不允開慶改元托疾遊廬山遇鄂渚之亂乃過天目山往來永嘉山水間註大洞玉經十六卷上聞其高尚不可回而法主之任不可缺遂勅高士景元範代之

大元至元十八年

世祖皇帝降特詔便安就道不得辭比至燕都六月二十七日无疾化弟子奉冠履歸葬藏真之山

贊曰得書石室古仙所留具釋隱言以鎮丹丘天門廣開羣真畢來匪夢伊真乃方其新

三十九代宗師架岩先生姓景諱元範字仲模句曲人幼依任宗師為侍者脩髯廣頰如古列仙生平不知酒肉味嘉熙間從任公詣都出住建康天慶觀開慶改元召為龍翔宮高

士應左右街鑒義未幾勅充上清宗師理宗后謝氏如先朝故事尊以師禮受大洞畢法其詞略曰為天下母敬持坤順之符尊道中師庸受願真之籙時師以元陽觀為外靖居焉景定壬戌十二月廿五日化

賈曰偉乎架岩擔遺世塵食地徇形寔滯昇真處高非危守潔非介飛步神京接軌玉海

四十代宗師元靜先生姓劉諱宗祖溧水人師事玉海蔣公公弟子數十輩師年獨幼卑順自牧冥心道域寶祐間從蔣公造朝復從游廬山宿紫極宮夜聞呼茅山道士曰天王校錄洞中劉子可歸矣師心恠之明日別蔣公去至金陵父卒終喪乃還句曲一夕芝生滿山悒々不樂人問之終不言明年北兵破四川朝廷累徵不起深晦其道以終天年

賈曰世運向微海將塵飛仙人知幾暫至遙歸山靈夜呼

卷七 上清山志

芝英晝暎我保玉書以請民命

四十一代宗師一空真妙先生姓王諱志心金壇人棄家學道師元符知宮湯元載上清宗壇主其法者毋以甲乙次蓋自靜一先生始時開慶宦者董宋臣私於發之道士朱知常挈印劍於赤松宮師詣關上陳暴其惡詔如舊次勅取印劍還山衆推登壇揮手謝之寒暑一衲而已每褰坐而起兩袖常拂火光咸淳癸酉九月二日說偈解去大眾追禮為復經宗師以補系代之失

賈曰道之所傳天且弗違孰睥睨之間以人為苟可間者斯非其道告示真士善守神保

四十二代宗師觀妙先生姓翟諱志頴字同舛丹陽人年十三入華陽洞之西便門遇道士坐石上指石壁題名謂師曰汝姓名在宗師之列因顧石壁失其人乃長果嗣法主之任

清容慈儉唯道是從始自永嘉迎玉海度師還山北兵乙亥歲下江南明年丙子化去時至元十三年六月廿四日也

贊曰華陽之洞辟以玄瓊千歲一開列見仙名仙之為道有化无迹人窮火傳我返真極

四十三代宗師癸和宣靜真應法師姓許諱道杞字祖禹句容人上清仙疾之裔也宋端平三年丙申十二月廿七日生幼事蔣度師性行方矢不輕然諾

國初兵革之餘歲旱饑疫淮邦惟甚時省治在維揚省臣避堂請師致禱雨足而疾已遂給驛敷送于朝

世祖以僻疾召見大都香殿令試以法愈復命祈雪心風皆奇驗賜寶冠法服降璽書大護其教佩印南還三茅山悉統隸之至元廿八年二月三日微示疾握固促召王君道孟授之經法謝別而逝壽五十六

卷七 上清品第五

贊曰上清之宗世以賢受景運肇新仙裔乃復噓和喻精保衛聖躬翼以星斗導之雷風

四十四代宗師養素通真明教真人姓王諱道孟字牧齋句容人方面豐頤容心莊厲年十四師事元符道士沈宗紹不飾偽而行益高不求譽而名愈出未四十人以先輩屬焉比嗣教朝京師蒙

恩數一如許先生大德戊戌歲饑兩至維揚駐蝗請雨大驗特賜号称真人行業見翰林直學士元明善所撰華陽道院碑文至大辛亥請老而傳乃命入室弟子劉大彬嚴其教年七十有三斃于華陽實宗寶祐壬寅生人

贊曰養素以朴通真以誠內接玄同外佐昇平蜚螭伏歲年穀成遂少見其微已足名世

四十五代宗師洞觀微妙玄應真人姓劉名大彬号王虛子

吳郡錢唐人延祐四年得九老仙都君玉印有司聞于朝
仁宗皇帝特旨還賜宗壇以傳道統

黃曰山岳昂歲湖海浩湯玄微備至植宗華陽承光紫闕
敷貺朱方九老都君錫爾寶章

卷七 上清品六



